

# Коммунае СЮРЕС

ВКП(б)-лэн Балезино Райкомезлэн но РИК-лэн газетсы  
11-тй октябре 1939 аре № 90 (798)

## Усадьбаосты мертанэз жегатскытэк быдэстоно

Колхозник'ёслэсь но единоличник'ёслэсь усадьбаоссэс мертан'ёслэн куд-ог результатсы возматйзы, что тросэз колхозник'ёс но единоличной хозяйствоос усадьба улазы кулэлыко нормалэсь мултэс муз'емез басьтыса возылызы. Кылсярысь, Кестымысь колхозник'ёслэн но единоличник'ёслэн усадьбаоссы улын муз'ем азьвыл 98,5 гектар ляд'яське вал, али партилэн но правительстволэн постановленизылэн но сельхозартельлэн уставезлэн куремзы'я мертан ортчытэм бере одйг Кестым гуртын гинэ 39,81 гектар усадьбаос улын мултэс муз'ем кылле вал, со возматэ, что Касимов ёс Лытфулла Гайнуллинович, Лытфулла Губайдуллоевич но мукет'ёсыз сельхозартельлэсь уставэз тйяса асьэлан усадьба улазы муз'емез мултэсэн басьтыса возылызы.

Нош колхоз правление

сыче факт'ёсты тодыса но кулэлыко ужрад'ёсты ёз кутылы колхозын сыче тырмымтэ азьёс та дырозь палэнымтэ вал. Таче факт'ёс Кестым колхозын сяна но туж трос, озыы районамы усадьбаосты мертан уж али но быдэстымтэ. Нош со ужлэн дыраз быдэсмымтэез колхозной производстоысь трудовой дисциплинаез быдэсак дезорганизовать каронне вуттэ.

Та пумысен шонер верано луэ, что тросэз колхоз председател'ёс усадьбаосты мертан ужез жог быдэстон ужлы внимание ёжит вис'яло, со ужез быдэстыны тросаз колхоз'ёсын ужасьёсты но уг сёто, малпало, что со уж районасы лыктэм уполномоченнойёслэн гинэ у ж з ы . Озыы ик усадьбаос вискы юбоосты пуктылон но районамы быдэстымтэ.

## Быр'ён'ёслы умой дасяськыськомы

Турецкой сельсовет интыысь Совет'ёсы быр'ён'ёс аэлы умой дасяське. Татын избирательёслэн черновой список'ёсы гож'яса кемалась быдэстэмын ни. Али колхоз'ёсын избирательной законэз валэктон уж нуьське.

Валэктон ужын ваньмыз 24 мурт агитатор'ёс ужало, куд'ёсыз избирательёс пöлын

17 общой собрание ортчытйзы ни, со сяна соос избирательёсын нимысьтыз индивидуальной вераськон'ёсты ортчыт'яло на.

Колхоз'ёсын лозунг'ёс, плакат'ёс ошылэмын, озыы ик избирательной помещениос но дасесь ни.

Тютин.

## Умой ужась агитатор'ёс

Наговицыно сельсоветын интыысь Совет'ёсы быр'ён'ёс'я колхоз'ёсын 26 агитатор'ёс ужало. Эркешево колхозысь агитатор Калинин Афанасий Иванович интыысь Совет'ёсы быр'ён'ёс сярысь Положениез избирательёслы бригадоосытй ветлыса валэктэ. Со сяна Эркешево колхозы

зын быр'ён'ёс'я нимысьтыз кык номер бордгазет поттэмын.

Озыы ик валэктон ужез Архипово колхозысь агитатор Г. Ф. Емельянов но умой нуэ. Интыысь Совет'ёсы быр'ён'ёс'я со колхозын кык пол собрание ортчытйз ни.

В. Калинина.

## Общественной пудо вордонэз жэтон понна нюр'ясько

СССР-лэн Совнаркомез но ВКП(б)-лэн ЦК-ез „Колхоз'ёсын общественной пудо вордонэз жэтон сярысь“ аслазылэн постановлениенызы колхоз'ёслы конкретной указани сётйзы. Со постановлениез районьсытймы колхоз'ёс тросэз уж вылын быдэс'яло.

Кылсярысь, Тазлуд колхоз аслаз МТФ-яз 26 йыр скал'ёсты, ОТФ-е 15 йыр ыж'ёсты укомплектовать кариз ни, Зуч Пибаншур колхозын МТФ-е 13 йыр скал'ёсты, ОТФ-е 8 йыр ыж'ёсты укомплектовать каремын ни.

Общественной пудо вордонэз жэтонны бад'зым внимание вис'я Кленовка колхозын знатной скал кыскысь—стахановка Анисия Ильинична Лекомцева. Кылем арез со одйг фуражной скаллэсь шорлыдэн вераса 1802 литр йöлзэ кыскиз, 1939 арын но со одйг фуражной скаллэсь 2800 литр йöлзэ кыскыны обязательство басьтйз, со басьтэм обязательствоэз Лекомцева али уж вылын быдэстэ. Умой ужамез понна Лекомцева А. И. туэ Всесоюзной сельскохозяйственной выставкае велйз, отысь со пудо вордон'я туж трос умоесь опыт'ёсты ад'из, куд'ёссэ али аслаз колхозаз практически применять каре.

Озыы ик общественной пудо вордон уж Чумбер'яг колхозын но умой пуктэмын. Колхозлэн старшой конюхез Хлыбов вал'ёсты туж умой утылтэ. Туэ колхозлэн эрвал'ёсыз ваньмыз племенной производительёсын бызылытэмын. Х л ы б о в 7 эрвал'ёслэсь чуньызэс ваньыз сохранный карыны быгатйз.

Г. Баженов.

## Кабан'ёс пöсяло

Балезино колхозлэн председателез А. П. Волков колхозлэн уженыз урод кивалтэ. Ю октон-калтон дыр'я со шулдыр нунал'ёсы арам юосты ёз люкаты. Нош кот нунал'ёсы люкамен али колхозлэн кабан'ёсыз пöсяло ни. Кутсам бере адске, что кабанын ю тысез вичак пурьсытамын.

Колхозын МТФ но СТФ вань, Волков соосты толалтэ умой толйтыны прочэ уг сюлмаськы. Пудо сион тырмыт дасямтэ.

К—к.

## Западной Украина но Западной Белоруссия куспын регулярной воздушной почтовой сообщении

5 октябре Москва, Западной Украина но Западной Белоруссия куспын регулярной воздушной почтовой сообщении кутскиз. Нырьсь рейсэ кык самолет'ёс Волковыске но Львове нуизы одг но жыны тонна ёрос „Правда“ „Известия“ но „Красная звез-

да“ газет'ёсты. 6 октябре кык самолётэн газет'ёсын валче ыстэмын луоз почтовой корреспонденция.

Западной Украинае но Западной Белоруссии Киевсьы но Минсксьы периодической печатез озы ик самолётэн нулло.

## Западной Украинаысь трудящойёс понна концерт'ёс но спектакльёс

Западной Украинаысь район'ёсын али выступать каро УССР-ысь эктон'ёслэн но кырзан'ёслэн ансамбльзы но украинской опералэн, киевской филармонилэн но эстрадалэн артист'ёсызлэн ог конаке бригадаосы.

Западной Украинае мыныны потыз Житомирьсь Щорслэн нимыныз нима Украинской драматической театр. Матысь нунал'ёсы гастролэн мыныны потоз „Думка“ нимо украинской капелла. Матысь дыре озы ик мынозы 4 концертной бригадаос. Бригадаос пöльсь одгаз пыро вокалист'ёслэн Всесоюзной конкурсысьтызы кырзасьёслауреат'ёс Гмыря но Руденко.

Львове мыныны дасяське Иван Франколэн нимыныз нима Киевской государствен-

ной драматической театр. Али театр пунктэ Иван Франколэсь „Украденное счастье“ пьессазэ.

## Ответственностьсэс уг шöдо

Сельскохозяйственной арез азинлыко йылпум'яны понна колхоз председательёс ласянь нимысьтыз большевистской кивалтон кулэ. Кудыз нош колхоз председательёс асьсэлэсь ответственностьсэс уг шöдо. Асьсэлэн бездействовать каременызы, колхозной производствоме пумак куашкато.

Басьтом Бахтиеве но Мазепи колхоз'ёслэн председательёсызлэсь Горбушинлэсь но Князевлэсь ужамзэс. Соос

## СССР-лэн народной артистэз

### Б. В. Щукин кулыз

7-тй октябрь вуон уйин Москваын кулыз советской искусстволэн синмаськымон мастерез—СССР-лэн Народной артистэз, орден нуллысь Борис Васильевич Щукин.

Щукин эшлэн Советской искусствонь бадзьмесь заслугаосыз быдэ советской союзын но граница сьöрын пась кыт тодмо вал. Со „Летчики“, „Поколение победителей“, „Ленин в Октябре“ но „Ленин в 1918 году“ кинофильм'ёслэн рольёсаз шудылаз. Со сяна но Щукин трос постановкаосын актерен, режиссерен участвовать карылыз но трос рольёсты исполнять карылыз.

колхозысь уж'ёсты азин лыко быдэстон понна уг нюр'ясько. Бахтиеве колхозлэн ю культосыз луд вылын на, нош Горбушин дырэюса орчытэ. Ю пыртон дыр'я Горбушин колхозник'ёсты аслыз корка лэстыны бастьз. Ачиз нош мукет гурт'ёстй юса ветлэ.

Сыче ик ужлум Мазепи колхозын но. Али етин жутон дыр'я П. В. Князев колхозник'ёсты 80 процентэ „поминкае“ лэзиз. Со нуналэ бригадир'ёс куджеменызы луд вылын ужаны но öз быгатэ. Государстволы етин треста сдать карымтэ на.

В. П.

Вр. редактор В. К. Дерендяев.  
Поттись райиспслком.

## ЯЛОН

УАССР-лэн Наркомлесэзлэн Шурской мехлесопунктэз постоянной уже лесоруб'ёсты, валэн ужас'ёсты но грузчик'ёсты кутэ. Ожытэ вераса одг арлы договор лэстысьёслы единовременной пособие тырьське: семейнойёслы 300 манет, огназы улйсьёслы 150 манет, проезд тырьське.

Уждун тырон сдельной. Сезон куспын 40 нормалэсь трос тырмытон дыр'я сезонной премия надбавка зарплаталы пумит 40-150 процентозь тырьське. Квартираос мехлесопунктын луозы. Юалляськыно 21-тй раз'ездын. Дирекция

Журин Алексей Николаевичлэн ВКП(б)-лэн Удмуртской Обкоменыз сётэм 0338872 №-ро партийной билетэз ышемын, кудзэ зэмен лыд'яно öвöл ни.

Максимов Степан Михайловичлэн ВКП(б)-лэн Базезинской райкоменыз сётэм 1465564 №-ро кандидатской карточкаез ышемын, кудзэ зэмен лыд'яно öвöл ни.



Карта, кудыз обозначать каре СССР но Германия куспын обоюдной государственной интерес'ёсын бывшой польской государстволэн территория вылаз граница.